

'GWOBRAU CYDNABYDDIAETH' 2020

Cydnabod cyflawniadau a rhannu arfer da

Noddwyd gan:



Canllawiau

Fel llawer o ddigwyddiadau mawr a gynlluniwyd ar gyfer eleni, nid oeddem yn gallu cynnal ein digwyddiad Gwobrau Cyfranogiad dathliadol blynyddol, gobeithiwn y bydd yn ôl y flwyddyn nesaf, yn fwy nag erioed! Yn y cyfamser, rydym eisiau cydnabod gwaith caled ein haelodau; landlordiaid, tenantiaid a chymunedau, wrth gwrdd â heriau argyfwng Covid-19 ac wrth gefnogi tenantiaid yn ystod yr amser anodd hwn.

I'r perwyl hwn, rydym wedi creu 4 categori 'gwobr cydnabyddiaeth' nid yn unig i gydnabod y gwaith a wnaed, ond hefyd fel y gallwn rannu'r arfer da ag eraill. Gwyddom hefyd bod pawb yn brysur ar yr adeg hon felly rydym wedi ceisio gwneud y broses enwebu mor syml â phosibl.

Beth yw'r categorïau?

Dyma'r 4 categori – gweler y meini prawf llawn ar gyfer pob un ohonynt ar y dudalen nesaf

1. Cefnogi lles
2. Cynnal Cyfranogiad Tenantiaid yn ystod y cyfnod clo
3. Cyfathrebu yn ystod argyfwng
4. Cymunedau yn cefnogi cymunedau

Beth yw'r broses o enwebu?

1. Edrychwch trwy'r 4 categori a'r meini prawf ar eu cyfer. Beth allech chi ei gyflwyno? A allech rannu'r manylion gyda chydweithwyr a thenantiaid eich sefydliad a allai fod eisiau enwebu? Nid oes rhaid iddo ymddangos o reidrwydd yn brosiect 'arloesol', pa wahaniaeth y mae wedi'i wneud sy'n cyfrif! Siaradwch â ni os ydych chi eisiau mwy o wybodaeth am y categorïau.
2. Llenwch y ffurflen enwebu syml – Canolbwyntiwch ar y ffeithiau, nid oes angen testun hir arnom, mae pwyntiau bwled yn iawn. Cyfeiriwch at y meini prawf ar gyfer pob categori a chwblhewch y ffurflen enwebu safonol o dan y penawdau penodol hyn. Os gallwch chi, cofiwch gynnwys gwybodaeth fel lluniau / delweddau / dolenni gwe ac ati i ddangos yr hyn rydych chi wedi'i wneud. Gofynnwch i ni am gymorth os bo angen.
3. Cofiwch gynnwys llun ar gyfer yr enwebiad fel y gallwn ei ddefnyddio mewn cyhoeddusrwydd.
4. Dychwelwch y ffurflen enwebu erbyn hanner dydd, dydd Gwener 2 Tachwedd at iona@tpas.cymru (**16 Tachwedd ar gyfer ceisiadau Cymraeg**)
5. Cyhoeddir enillwyr mewn digwyddiad ar-lein am ddim ddydd Mawrth 15 Rhagfyr 2020
6. Dim ond gan aelod-sefydliadau TPAS Cymru a'u tenantiaid / preswylwyr y derbynnir enwebiadau.

Manylion llawn a meini prawf ar gyfer pob categori

Cefnogi lles

Mae'r wobwr cefnogi lles yn cydnabod cyflawniadau landlordiaid wrth helpu i sicrhau lles eu tenantiaid trwy gydol argyfwng Covid. h.y. eu hiechyd, diogelwch, sicrwydd a chysur. Gallai'r gweithgareddau gynnwys galwadau ffôn lles; trefnu danfoniadau bwyd/presgripsiwn; cyngor budd-daliadau, partneru gyda sefydliadau/grwpiau eraill ac ati.

Meini prawf asesu:

- Pa mor gyflym ac effeithiol ymatebodd y landlord i'r argyfwng
- Yr ystyriaeth a roddir i anghenion amrywiol tenantiaid
- Pa wahaniaeth y mae'r gefnogaeth wedi'i wneud e.e. adborth gan randdeiliaid, tenantiaid ac ati.

Cynnal Cyfranogiad Tenantiaid yn ystod y cyfnod clo

Mae'r wobwr hon yn cydnabod cyflawniadau landlord cymdeithasol a/neu grŵp tenantiaid sydd wedi cynnal gweithgareddau Cyfranogiad Tenantiaid yn rheolaidd yn ystod y cyfnod clo i sicrhau bod lleisiau tenantiaid wedi parhau i gael eu clywed. Gallai gweithgareddau o'r fath fod yn grwpiau/prosiectau sy'n cynnwys tenantiaid yn siapio gwasanaethau, herio perfformiad, dylanwadu ar benderfyniadau a pholisïau, craffu ar wasanaethau ac ati.

Meini prawf asesu:

- Pa mor gyflym y gweithredwyd y gweithgareddau CT hyn o bell
- Y gefnogaeth a roddir i denantiaid i'w galluogi i gymryd rhan gan ddefnyddio gwahanol lwyfannau/dulliau ar-lein
- Y canlyniadau a gyflawnwyd yn ystod yr amser hwn gan y grŵp cyfranogi a'r budd i'r boblogaeth ehangach o denantiaid
- Unrhyw lwyddiant wrth ddenu tenantiaid newydd i gymryd rhan yn ystod y cyfnod clo
- Unrhyw wersi a ddysgwyd: gwerth am arian; datblygu prosiectau CT yn y dyfodol

Cyfathrebu yn ystod argyfwng

Mae'r wobwr hon yn cydnabod pa mor effeithiol y mae landlord cymdeithasol wedi cyfathrebu â'i denantiaid a'i ddefnyddwyr gwasanaeth yn ystod y pandemig. Gallai hyn gynnwys ystod o ddulliau cyfathrebu fel fideo; ffeithluniau, cyfryngau cymdeithasol, cylchlythyrau, Facebook yn fyw a cyswllt uniongyrchol ac ati.

Meini prawf asesu:

- Yr ystyriaeth a roddir i amrywiaeth/priodoldeb y dulliau cyfathrebu a ddefnyddir mewn perthynas ag amrywiaeth y tenantiaid e.e. iaith blaen/osgoi jargon wrth gyfathrebu.
- Yr ystod o bynciau a gyfathrebwyd
- Effeithiolrwydd y cyfathrebu e.e. adborth gan denantiaid/defnyddwyr gwasanaeth, dadansoddeg cyfryngau cymdeithasol ac ati.
- Unrhyw wersi a ddysgwyd a chynaliadwydd y dulliau.

Cymunedau yn cefnogi cymunedau

Mae'r wobr hon yn cydnabod ac yn dathlu cyflawniadau grŵp cymunedol neu breswlydd unigol sydd wedi cefnogi unigolion neu grwpiau eraill yn eu cymuned yn ystod argyfwng Covid. Gallai'r gefnogaeth hon gynnwys cefnogaeth fel: siopa i gymdogion; danfon cylchlythyrau yn y gymuned i hysbysu preswylwyr am weithgareddau cymorth lleol; gwirio fod pobl fregus yn iawn; sefydlu grwpiau cymorth cyfryngau cymdeithasol ac ati.

Meini prawf asesu:

- Y math o gefnogaeth a ddarperir
- Sut mae anghenion y cymunedau/unigolion wedi cael eu diwallu
- Yr effaith y mae'r gefnogaeth wedi'i chael ar unigolion / cymunedau
- A ellir cynnal/addasu'r prosiectau ar gyfer y dyfodol

~~~~~

## Telerau ac Amodau (y darn diflas!)

- **Rhaid derbyn ceisiadau erbyn canol dydd, dydd Gwener 20 Tachwedd 2020. Ni fydd ceisiadau hwyr yn cael eu hystyried. (\*\*16 Tachwedd ar gyfer ceisiadau Cymraeg\*\*).**
- Bydd yr holl geisiadau yn cael eu barnu ar yr wybodaeth a ddarperir ar adeg ymgeisio a ni dderbynnir unrhyw ohebiaeth ddilynol tuag ato.
- Bydd y ceisiadau yn cael eu beirniadu gan ddefnyddio sgiliau tîm TPAS Cymru ac Aelodau'r Bwrdd gan ddefnyddio'r meini prawf asesu.
- Trwy gystadlu yn y Gwobrau, rydych yn cytuno i unrhyw wybodaeth a/neu ddelweddau a roddwyd i'w cael eu defnyddio ar gyfer deunydd cyhoeddusrwydd.
- Bydd yr enw y rhoddwch ar eich cais a'r enw y defnyddir gennych ar gyfer eich sefydliad yn penderfynu sut yr enwir eich cais yn yr holl ddeunydd hyrwyddo.
- Noder: Mae gan TPAS Cymru'r hawl i roi ceisiadau mewn categori gwahanol os yr ystyrir fod y cais yn cyfarfod meini prawf un o'r gwobrau eraill yn fwy effeithiol.

### **\*\*Welsh Language Entries\*\***

*Mae croeso i chi anfon eich enwebiad yn y Gymraeg neu'n Saesneg ond gan nad yw bob un o'n Beirniaid yn siaradwyr Cymraeg, mae gofyn bod y ceisiadau'n cael eu cyflwyno iddynt yn Saesneg neu'n ddwyieithog. Os hoffech chi gyflwyno cais yn y Gymraeg YN UNIG, mae TPAS Cymru yn fwy na fodlon cyfieithu eich ceisiadau i'r Saesneg os y'i derbynnir erbyn **canol dydd, 16 Tachwedd 2020**. Yn anffodus oherwydd cyfyngiadau amser, bydd angen i unrhyw gais uniaith Cymraeg sy'n cael ei gyflwyno ar ôl y dyddiad hwn gael ei ddychwelyd atoch a'i gyfieithu yn fewnol gan eich sefydliad chi.*

**Cofiwch y cewch ofyn cymorth gan staff TPAS Cymru: gallwn eich cynghori ynglŷn â'r meini prawf; llenwi'r ffurflen enwebu; a pa wybodaeth gefnogol y gallwch ei gynnwys. Fodd bynnag, ni allwn eich cynorthwyo'n uniongyrchol wrth gwblhau eich enwebiad.**





## Cwestiynau Cyffredin

### A yw'n costio i gyflwyno cais?

Nid yw'n costio i gyflwyno cais i 'Wobrau Cydnabyddiaeth' TPAS Cymru. Fodd bynnag, mae'n rhaid i chi fod yn aelod o TPAS Cymru ar adeg cyflwyno'r enwebiad i gymryd rhan.

### A ellir cyflwyno cais drwy'r post?

Yn anffodus, na. Gan nad ydym yn gweithio o'r swyddfeydd ar hyn o bryd, dim ond trwy e-bost y gallwn dderbyn enwebiadau.

### A ellir cyflwyno cais ar y cyd â sefydliad partneriaeth?

Gellir, fodd bynnag mae'n rhaid i'r partner arweiniol fod yn aelod o TPAS Cymru.

### A ellir rhoi rhagor o wybodaeth, yn ogystal â chwblhau ffurflen enwebu safonol, i gefnogi fy nghais?

Gellir, cewch gyflwyno gwybodaeth ychwanegol i gefnogi eich cais megis lluniau, gwybodaeth y wasg, dolenni gwefan. Noder: Dylech hefyd fod yn ymwybodol y gallem ddefnyddio'r wybodaeth neu luniau a gyflwynwyd fel rhan o'ch cais ar gyfer ein deunyddiau marchnata ni. Trwy gymryd rhan yn y gwobrau, rydych yn cytuno i hyn.

### A oes cyfyngiad i'r nifer o geisiadau y gallaf eu cyflwyno?

Na. Fe wnawn dderbyn mwy nag un cais o'r un sefydliad.

### Beth sy'n digwydd ar ôl i mi gyflwyno fy nghais?

Wedi derbyn eich enwebiad, byddwn yn cysylltu â chi trwy e-bost i gadarnhau ein bod wedi ei dderbyn. Mae'n hollbwysig eich bod yn cysylltu â ni o fewn 24 awr os and ydych wedi derbyn cadarnhad gennym. Ar ôl y broses o feirniadu, fe wnawn gyhoeddi rhestr fer o'r rownd derfynol ar gyfer pob un o'r categorïau ac fe'ch hysbysir os ydych wedi bod yn llwyddiannus.

**Noddir y digwyddiad hwn gan:**

